



Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale Archiepiscopo, Diuersis temporibus in sex Concilijs, totidemq[ue] voluminibus edita

Speciano, Cesare

Brixiae, 1603

Constitvtio De Largitione Mvnervm vt ri usque sexus Regularibus interdicta.

urn:nbn:de:hbz:466:1-10553

Registrata apud Marcellum Secretarium.

Anno à Natiuitate Domini, millesimo quingentesimo nonagesimo primo. Indictione quarta, die verò vigesima octava Mensis Maij, Pontificatus Sanctissimi in Christo Patris, & D. N. D. Gregorij diuina prouidentia Papæ XIII. Anno primo, Retroscriptæ literæ Apostolice affixæ, & publicatæ fuerunt in Valuis Basilicarum Principis Apostolorum de Urbe, & S. Iohannis Lateranen. necnon Cancellariæ Apostolicæ, & Acie Campi Floræ, ut moris est, per nos Catherinum Menardi, & Nicolaum Drouyn. Cursores.

Pompeus Guerra Magister Cursorum.

C O N S T I T U T I O D E L A R G I T I O N E M V N E R V M
vtriusque sexus Regularibus interdicta.

Clemens Episcopus seruus seruorum Dei. Ad perpetuam
rei memoriam.

Religiosæ Congregationes, ab insigni sanctitate viris Spiritus Sancti affiliæ institutæ, tantas Ecclesiæ Dei utilitates omni tempore attulerunt, ut ad eas conseruandas, & instaurandas Romani Pontifices prædecessores nostri, magnam iure optimo diligentiam semper adhibuerint. Nam cum ea sit rerum humanaarum conditio, & natura, ut etiam quæ optimè fundata, & constituta sunt partim hominum imbecillitate, & ad malum proclivitate, partim Dæmonis astutia, paulatim deficiant, ac nisi cura perugili sustententur, in deterius prolabantur; Idcirco Summorum Pontificum vigilantia, magnopere laborauit, ut Regularium Ordinum disciplina, aut labefacta in pristinum restitueretur, aut salutaribus Constitutionibus communia, integra atque incolumis permaneret. Quorum nos vestigijs pro eodem officij munere insistere, & Pastoralem illorum solicitudinem (quantum possumus) diuina adiutrice gratia, cupimus imitari. Quare nè ex munib[us], quæ pluribus religiosæ vitæ professoribus, ex Christi patrimonio, quibusvis hominibus quavis ex causa sèpè tribuuntur grauia incommoda, & mala, etiam boni specie existant, præcavere studentes; hac nostra perpetuò valitura Constitutione vniuersis, & singulis cuiuscunque Ordinis Mendicantium, vel non Mendicantium bona immobilia, & redditus certos ex indulto Apostolico possidentium, vel non possidentium, seu cuiusvis Congregationis, Societatis, & Instituti (non tamen militie) Regularibus personis vtriuslibet sexus omnem, & quacunque largitionem, & missionem munerum penitus interdicimus. Sub qua prohibitione comprehenduntur omnia, & singula Capitula, Conuentus, & Congregationes, tam singularum Conuentualium, Monasteriorum, Prioratum, Præpositurarum, Præceptoriarum, Domorum, & locorum, quam Provincialia, aut Generalia cuiuscunquam Prouinciarum, sive vniuersis Ordinis Societatis, aut Instituti: eorumque vel earum Camerarios, Commissarios, & quoquaque Officiales, singulares personas: Ipsos etiam ordinum, Congregationum, & Societatum huiusmodi Superiores quacunque dignitates obtinentes, etiam Generales, & Prouinciales, Magistros, Ministros, & quoquaque nomine præfectos, necnon Conuentuum, Monasteriorum, Prioratum, Præpositurarum, Præceptoriarum, Domorum, & locorum quorumcunque Abbates, Prioræ Præpositos, Præceptores, etiam maiores Guardianos, Ministros, Rectores, atq; Abbatissas, Priorissas, & alio quoquis titulo præsidentes, tam ipsis regularibus, quam locorum Ordinarijs, seu quibusvis Superioribus subiectas vtriuslibet sexus ad vitam, vel ad tempus deputatos: adeo, ut nemo vñquam eorum, vel earum directè, vel indirectè palam, vel occultè, tam communi, quam particulari, &

pro-

proprio nomine, etiam sub quo quis statuti, vel consuetudinis, seu verius corrupte, aut alio praetextu, vel quacunque causa nisi in Generali Capitulo, aut alia Generali Congregatione re mature discussa vnamini consensu omnium, Superiorumque permisso causa approbata fuerit, quicquam tale attentare valeat.

Id autem ita absolutè, & generatim vetitum intelligatur, vt neque omnino fas sit quicquam donare, tam ex fructibus, redditibus, & prouentibus, collectis, vel contributionibus, aut oblationibus, siue eleemosynis, aut subsidijs certis, vel incertis, ordinarijs, seu extraordinarijs, mensæ, seu massæ communis, cuiusvis fabri cæ, & Sacrificiæ, quorum bona communiter, vt præfertur, administrantur, seu quæ rationibus reddendis sunt obnoxia, quam ex pecunijs, etiam, quæ à singulis quo-vis modo acquisitæ in commune conferendæ omnino sunt. Nec si per viam voluntatiæ contributionis in commune congerantur. Nec si forsitan priuatim, & nominatim cuilibet Religioso à superioribus, vel à proprijs affinibus, propinquis, familiaribus, amicis, aut benevolis, vel à pīs Christifidelibus, etiam eleemosynæ, aut charitatis, & illius propria personæ iuitu attributæ, seu quoquomodo per quemlibet religiosum suo Monasterio domui, aut loco acquisitæ, eique ut ad libitum de eis disponat per Superiores concessæ foerint: Præterquam leuiora esculentæ, aut poculenta, seu ad devotionem, vel Religionem pertinentia munuscula communiantum, nunquam verò particulari nomine (vbi Superiori de consensu Conuentus videbitur) tradenda.

Sed & huiusmodi missiones munerum ipsis religiosis vtriuslibet sexus non solum per se, verum etiam per alios, tam directè, quam indirectè prohibitas declaramus.

Neque verò quispiam ab hac generali prohibitione se excusare valeat, etiam si munera miserit, cuius personæ laicæ, vel Ecclesiastice cuiuscunque status, gradus, dignitatis, ordinis, vel conditionis, & quavis non solùm mundana, & Ducali, Regia, Imperiali, verum etiam Ecclesiastica, & Pontificali, aut alia maiori, etiam S. R. E. Cardinalatus dignitate fulgenti, etiam proprio loci ordinario, etiam ex causa, & occasione benedictionis, vel susceptionis habitus regularis, tonsuræ, aut professionis Monialium, tam sibi subditarum, quam non subditarum, aut ipsi etiam proprio ordinis, vel Congregationis Protectori, Viceprotectori, Generali, vel Provinciali, aut cuiusvis Monasterij, Prioratus, domus, aut cuiuslibet alterius loci regularis Superiori, aut alio quocunque officio, munere, aut dignitate fulgenti, vel cuicunque etiā simplici, & particulari Religioso. Ita ut inter ipsos quoque Religiosos (ne prava ambitione impulsu pro consequendis in sua Religione gradibus, & dignitatibus alterius gratiam, aut benevolentiam aucepatur) quæcumque largitio, aut donatione munerum (nisi rerum minimarum, de licentia expressa, & inscriptis Superiorum) sit penitus interdicta.

Insuper prohibemus, nè inquam eisdem regularibus liceat illas peccunias quo quomodo erogare in aliquius etiam Benefactoris, aut Protectoris, vel ordinarij honorem, etiam occasione transitus, vel primi ingressus, aut ad beneficiorum acceptorum memoriam, gratiæ animi testificationem, seu pro prædictis personis quavis auctoritate, vel dignitate fungentibus honorifice, lautè, & opiparè excipiendis, seu pro quibusvis cōsiliis eisdem aut cuius alteri quacunque occasione, vel causa exhibendis, vel pro commissariationibus, aut computationibus quibusvis personis, tan eisdem ordinis Congregationis, Monasterij, Domus, aut loci, quam extraneis largiendis, aut pro exhibendis spectaculis, etiam pīs intra Ecclesiæ, Monasteria, & Domos sacras, seu pīas, vel extra eas, in quibusvis publicis, aut primatis sacrī, aut profanis locis, etiam vīi Sanctorum, & Sanctorum vita, aut res pīe gestæ, etiam in memoriam Passionis Dominicæ populis spectandæ proponuntur, aut alias in predictis, siue in quibusvis rebus superuacaneis ad pompa, & ostentationem, aut ad oblationem, vel paucorum lucrum, & private commodis quomodolibet pertinen-

tibus.



tibus, nisi, re ipsa pro diuino cultu, & veris Christi pauperum indigentij, servato in hoc charitatis ordine, & habita necessitatis ratione, de consilio, & consensu Superiorum subleuandis, aut alias in rebus licitis, & per capitulum generale, aut Provinciale non prohibitis, vel taxam ibi forsitan præscriptam non excedentibus sumptus huiusmodi fiant.

Declarantes tamen per hec laudabilem, & Apostolica doctrina sacrisque Canonicis commendatam hospitalitatem præsertim erga pauperes, & peregrinos, nequaquam imminui, aut prohiberi. Quinimo si qui redditus ad id vel ex fundatione, vel ex institutis, statutis, aut consuetudinibus aliquorum Monasteriorum ordinum, aut regularium huiusmodi locorum, aut ex testatorum, vel donantiū voluntatibus siue alias applicati, aut donati sunt, eos omnino (vt decet) integrè in usus pios hospitalitatis huiusmodi erogandos esse; & præsertim in Monasterijs, seu locis desertis, & ab laicorum ædibus longius remotis; ubi tamen pauperum, & verè egenorum ratio in primis habeatur.

Si quos verò diutius occasione transitus, siue alias ex deuotionis, aut necessitatis causa è diuertere contigerit, eos sane deceret, Refectorio communī cum religiosis, mensagj, & ferculis communib, nequaquam à ceteris distinctis contentos esse. Verum omnino ipsis regulares in hospitiis huiusmodi potentioribus excipiendis ita se gerant, vt in eis frugalitas, & paupertas religiosa prorsus eluceat.

Pari etiam ratione districte inhibemus, ne quispiam ex prædictis Laicus alias, quam ut superius dictum est, vel Clericus secularis, vel regularis quounque honore, præminentia, nobilitate, aut excellentia etiam S. R. E. Cardinalatus dignitate præditus etiam Protector, Viceprotector, loci ordinarius, Prelatus Generalis, Provincialis, aut Monasterij, domus, vel loci cuiuslibet superior, eorumve affines propinquí familiares, aut ministri vtriuslibet sexus, quicquam contra hanc superius expressam prohibitionem recipient.

Quod si, vel ab aliquo particulari religioso, vel à superiore quopiam Generali Provinciali, aut alio quoconque officio fungente, aut à Conventu, Capitulo vel Congregatione; siue ab yniuerso ordine, & Religione quicquā receperint; id quod acceperint suum non faciant. Verum ipso facto absque aliqua monitione iudicis decreto, sententia, aut declaratione ad illius restitutionem omnino in utroque foro teneantur: adeo ut restitutione ipsa realiter non facta, neq; etiam in foro conscientiae absolui possint.

Hanc autem restitutionem fieri volumus non priuatim ei Religioso, qui donavit, sed ei Monasterio, domui, vel alteri loco de cuius bonis facta est largitio, vel si non de eius bonis donatum est, in quo idem Religiosus donans professionem emisit, vel si nomine totius Capituli, Conuentus, aut Congregationis, vel yniuersi ordinis, seu Religionis donatio facta extiterit, pariter communī mensæ, aut massæ cuius nomine donatum fuerit, accepta munera restituantur: ita ut nec qui donavit, nec Conuentus, Capitulum, Congregatio, ordo, aut religio, cui restitutio facienda est, illam remittere, & iterum condonare, aut recipientem ab obligatione restituendi eximerre, vel ut in pauperes eroget concedere quoquomodo posse.

Quod si quis ex supradictis regularibus vtriuslibet sexus cuiuscunque gradus, ordinis, dignitatis, ac vbi libet locorum existentibus coniunctim, cum ceteris, seu diuisim nostrarum huiusmodi prohibitionum, statutorum, ordinationum, iussionum, decretorum, mandatorum transgressor fuerit; statuimus, ut omnibus, & singulis per eum obtentis dignitatibus, gradibus, muneribus, & officijs eo ipso priuatius, ac ad illa & alia similia, vel dissimilia in futurum obtainenda inhabilis perpetuò, & incapax, ac perpetua infamia, & ignominia notatus existat. Et præterea priuationem vocis actiæ, & passiæ absque ullo Superioris decreto, aut ministerio ipso facto incurrit, necnon ultra huiusmodi poenas, etiam tanquam contra furti, & similes crimina reum, tam per viam denuntiationis, accusationis, aut querelæ, quam etiam

ex officio procedi, & inquiri, condignisque supplicijs affici debeat.

Poenis alijs à iure statutis, ac per alias Constitutiones Apostolicas, aut propria cuiusvis ordinis Congregationis, Monasterij, domus, aut loci, statuta, vel consuetudines contra personas aliquid præmissorum committentes forsan decretis, & infiatis, nihilominus in suo robore permansuris.

Quocirca vniuersis, & singulis modernis, & pro tempore existentibus locorum ordinarijs, eorumque Vicarijs, & Officialibus, necnon quorumcunque Ordinum, Prioratum, Monasteriorum, & domorum Superioribus, etiam Generalibus, seu Provincialibus, ceterisque ad quos spectat, per Apostolica scripta mandamus; quatenus ipsi, & eorum singuli, quantum ad eos pertinet, curent omni studio, diligentia, auctoritate, & vigilancia præsentem Constitutionem firmiter, & inviolatè obseruari, & contra inobedientes, vel transgressores condignis poenis animaduerti. Eosdem inobedientes, necnon contradictores quolibet, & rebelles per opportuna iuris, & facti remedia appellatione postposita compescendo, inuocato etiam ad hoc (si opus fuerit) auxilio brachij secularis.

Non obstantibus Constitutionibus, & ordinationibus Apostolicis, dictorumque Monasteriorum, Prioratum, domorum, locorum, necnon Ordinum Congregacionum, Collegiorum, iuramento confirmatione Apostolica, vel quavis firmitate alia roboratis, statutis, & consuetudinibus: priuilegijs quoque indultis, & literis Apostolicis quorumcunque tenorum existant, per quae præsentibus non expressa, vel ad verbum non inserta effectus nostræ Constitutionis impediti quomodolibet valeat, vel differri, & de quibus quorumque totis tenoribus habenda sit in nostis literis mentio specialis. Quæ omnia quatenus præmissis in aliquo aduersentur, prorsus tollimus, & abrogamus, ceterisque contrarijs quibuscunque.

Volumus autem, vt præsentes literæ in Valuis S. Io. Lateranen. & Principis Apostolorum de Urbe Basilicarum, & in Acie Campi Flora publicentur affixis inibi eorum exemplis, & dimissis. Quodque earum exempla, seu illorum compendia in libris quorumcunque statutorum prædictorum Monasteriorum, Prioratum, Collegiorum, Domorum, Ordinum, & Congregationum (quod ad Moniales, in vernaculū, & vulgare cuiusque Regionis sermonem versa) & à loci ordinario, qui id quamprimum fieri curet, subscripta inserantur, & saltem quotannis in capitulis, siue Congregationibus cuiusque earum alta, & intelligibili voce legantur. Et nihilominus post sexaginta dies à die publicationis (vt præfertur) in Romana Curia facienda vnumquemque citra montes, ultra montes vero post quatuor menses, perinde attent, & affiant, ac si cuique personaliter intimatæ, & per eos iuratæ fuissent.

Quodque earum transumptis etiam impressis manu Notarij publici subscriptis, & sigillo personæ in dignitate Ecclesiastica constitutæ obsignatis eadem prorsus fides in iudicio, & extra illud ubique adhibetur, que adhiberetur eisdem præsentibus, si essent exhibitæ, vel ostensæ. Nulli ergo omnino hominum liceat hanc paginam nostrorum, interdicti, prohibitionis, declarationis, inhibitionis, statuti, mandati, sublationis, abrogationis, & voluntatis infringere, vel ei a usu temerario contraire. Si quis autem hoc attentare præsumperit, indignationem omnipotentis Dei, ac Beatorum Petri, & Pauli Apostolorum eius se nouerit incursum.

Datum Romæ in Monte Quirinali, Anno Incarnationis Dominice, millesimo quingentesimo nonagesimo quarto, tertiodecimo Kalen. Iulij Pontificatus nostri anno tertio.

L. Card. Prodat.

M. Vestrius Barbæius.

A. de Alexijs.

Regi-



Registrata apud Marcellum Secretarium.

In nomine, & à Natiuitate Domini, millesimo quingentesimo nonagesimo quarto, Indictione septima, die verò secunda Mensis Iulij, Pontificatus Sanctissimi in Christo Patris, & D. N. D. Clementis diuina prouidentia Papæ Octavi, Anno tertio. Retroscriptæ literæ publicatæ, & affixæ fuerunt in Acie Campi Floræ, & alijs locis publicis, & consuetis, per nos Prosperum Spada, & Franciscum de Bonis, eiusdem S. D. N. Curores.

Ita est Franciscus de Bonis S. D. N. PP. Curs.

Gabriel Sauarellus Cursorum Magister.

F I N I S.